

В Л К С М-н ЦК-д

Комсомолин сельск райкомсин структур сольлгън

Комсомольск сельск райкомсин аппаратс цѳѳрѳлѳд, цааранднь улм ясерулхин тѳлѳ, бѳѳрн газрин комсомольск органсин ѳгсн селвг тоолад, ѳдгѳ цагт бѳѳх комсомолин сельск райкомсин аппаратин структуринь сольхмн гидж ВЛКСМ-н ЦК шиндв. МТС-н зонар комсомолин райкомин инструктормуд болн техническ сеглѳтрмѳд бѳѳдгнь уурулгдв.

Комсомолин сельск райкомсин структурнь болн аппаратиннь штатинь ним болгѳдж батлгдв: комсомолин райкомин негдгч сеглѳтр, комсомолин райкомин хойрдгч сеглѳтр (баа-

хн райодар—райкомин нег сеглѳтр), райкомин олна секторин заведующ болн неджѳд-хошад комсомолин райкомин инструктормуд.

Комсомольск райкомсд, бѳѳрн газрин бѳѳдл хѳлѳдж, кѳдлмшиннь кирцѳгъинь тоолдж, райкомин членд бѳѳх комсомольск активистирѳс неджѳд-хошад штатл уга сеглѳтрмѳд авх заагдв, болв тедн кеджѳсн кѳдлмшѳсн сулдлгдхмн биш. Комсомолин сельск райкомсин сеглѳтрмѳдин болн инструкторсин кех-кѳцѳх даалгѳвр тедн дунд хувах тѳриг комсо-

молин райоин комитетин бюро хагълх зѳвтѳ.

Комсомолин обкомст, крайкомст, союзн республиксин ВЛКСМ-н ЦК-д комсомолин сельск райод болгънд кѳдлх сеглѳтрмѳдин болн инструктормудин тоогъинь диглх зѳв ѳггдв.

Комсомолин обкомсиг, крайкомсиг болн союзн республиксин ВЛКСМ-н ЦК-г 1958 джилин апрелин 15 кѳртл комсомолин сельск райкомсин структуринь болн штатсинь, комсомолин райкомин шин структурла болн штатсла ирлѳцѳлдж диглтхѳ гидж даалгѳв.